

La Quotidiana 6-5-2016, p. 23

Kesb: 46 000 annunzias da periclitaziun en Svizra il 2014

■ (rtr) Las autoritads per la protecziun da l'uffant e da creschids Kesb han registrà il 2014 passa 46 000 annunzias da periclitaziun en l'entira Svizra. Bleras autoritads sa lamentan da memia pauc persunal u da memia blers cas, uschia l'emprim rapport davart il dretg da protecziun per uffants e creschids. En bun la mesadad dals cas annunziads èsi tenor il studi la finala vegnì tar ina mesira. Tenor il studi è cunzunt decisiva la «cassaziun da la tgira dals geniturs», tar la quala in uffant alloschè ordaifer da l'atgna famiglia, per exempel en ina famiglia da tgira u en ina chasa d'uffants. En passa 1500 cas èsi vegnì retratg als geniturs la tgira dals uffants. En 30% da quests cas èn ils geniturs ids d'accord cun la mesira. Ina ferm'intervenziun tar creschids saja l'uschenumnà «alloschament preventiv». Qua vegnan persunas messas per motivs da l'atgna segirezza en in endrizzament staziunar, per exempel ina clinica psichiatrica. Questa mesira è vegnida ordinada 1116 giadas en l'entira Svizra.